

TAUBAT DALAM ISLAM

Dalam tulisan yang berharga ini al-Fādīl Dr.

Abū al-Khayr Zakī guru di Kolej Islam Tanah Melayu telah menghuraikan dengan panjang lebar kedudukan “Taubat Di Dalam Islam” seperti yang kita Melayukan di bawah ini – P.Q.

(Oleh Dr. Abū al-Khayr Zakī)



Sabda Rasulullah ṣallā Allāh ‘alaihi wa sallam: “*inna Allāh yabsuṭu yadahu bi al-layli liyatūba musī’al-nahar, wa yabsuṭu yaduhu bi al-nahār liyatūba musī’al-layl hatta taṭla ‘u al-shams.*”

‘Bahawasanya Allah Subḥānahu wa Ta‘ālā sedia membuka tangan-Nya pada waktu malam supaya bertaubat orang yang bersalah pada siang hari, dan membuka tangannya pada siang hari supaya bertaubat orang yang bersalah pada waktu malam sehingga terbit matahari.’

Allah Subḥānahu wa Ta‘ālā tidak menyegerakan hukuman-hukuman itu malahan diberi peluang kepada manusia supaya mendapat jalan keselamatan dengan bertaubat kepada Allah ‘Azza wa Jalla dan menuntut keampunan-Nya. Yang demikian ada hikmahnya yang besar dan ada pula tujuannya yang sangat penting.

Sebagaimana yang diketahui, tujuan agama, yang terutama sekali ialah membentuk shahsiah atau peribadi manusia dan meraikannya sehingga dapat mencapai setinggi-tinggi kesempurnaan yang dapat dicapainya. Cara membentuk dan membina shahsiah itu telah ditetapkan tanda-tandanya. Dan telah dilukiskan jalan-jalannya di dalam Islam, sehingga seseorang yang mengikuti agama Allah akan mendapati jalan yang diikuti itu terang tanda-tandanya iaitu membawa kepada kebaikan dan kebahagiaan dunia akhirat. Dengan ini nyatalah bahawa agama menjadikan bagi seseorang itu satu tujuan dalam hidupnya yang

bertumpu sekelilingnya kebolehan dan amal perbuatannya: tujuan yang tersebut ialah perbuatan suka berkhidmat kepada masyarakat manusia dan suka mengambil bahagian dalam membina kemajuannya.

Seorang kanak-kanak ketika dilahirkan adalah ia berkeadaan seketul daripada perasaan “al-Anāniyah” (tabiat mementingkan diri sendiri). semua benda tidak menjadi penting kepadanya melainkan hanya dirinya dan kesenangannya. Tetapi dalam pada itu perasaannya dan akalnya akan membesar, sebagaimana juga badannya yang terus membesar dan subur. Dengan yang demikian ia akan mulai mengirakan orang lain dan menghargai hajat dan kemahuannya.

Setelah ia menjadi muda remaja lalu berpandu dengan pertunjuk Islam maka ia akan terus meningkat maju dalam akal dan perasaannya yang makin tumbuh membesar itu, sehingga ia sampai kepada tingkatan perjalanan yang di dalamnya ia akan dapati kebahagiaan yang sempurna bagi dirinya ketika dia bekerja untuk kebahagiaan orang lain.

Oleh sebab yang demikian, Islam telah bersungguh-sungguh mendidik hati kecil tiap-tiap seorang Muslim kepada mementingkan masyarakat sehingga dia terasa akan tanggungjawabnya terhadap masyarakat. Agama kita telah menuju ke arah

menjadikan perasaan akhlak yang mendesak itu ialah “menunaikan kewajipan semata-mata untuk kewajipan” bukan kerana keuntungan dunia yang akan didapat oleh seseorang dan bukan kerana kesenangan, bahkan kerana ia berkhidmat kepada orang ramai semata-mata kerana Allah Ta’ālā dan kerana menuntut keredhaan-Nya ‘Azza wa Jalla.

Apabila hati kecil yang bersemangat Islam itu menguasai seseorang yang ikhlas dalam akidahnya dengan sepenuh-penuh penguasaan, nescaya akan dapat memimpinnya kepada berbuat kebaikan dan menjauhi kejahanatan. Sedang manusia menurut tabiatnya yang semula jadi ialah seorang makhluk yang daif, kadang-kadang dapat dikalahkan oleh perasaan syahwat lalu dia jatuh di dalam perbuatan yang salah dan merasa azab api tempelak hati kecilnya, yang berakhir tinggallah ia mengulang-ulang kata: Aduhai kiranya aku tidak melakukan dosa ini, dan tidak aku tunduk menurut perintah hawa nafsu.

Kalau didikan Islam itu tidak mengandungi perkara-perkara yang menolong orang yang bersalah (berdosa) kepada menyelamatkan diri dan balik semula kepada kehidupan berakhhlak mulia lagi berbahagia, nescaya satu dosa sahaja yang dilakukan itu akan membawa kepada menghidupkan perasaan sedarkan kesalahan di dalam diri seseorang itu, sehingga dapat menghancurkan shakhsiah atau peribadinya sendiri dan menyebabkan dia dihinggapi oleh penyakit jiwa. Tetapi Allah Subḥānahu wa Ta’ālā yang besar hikmah-Nya telah menjadikan “taubat” itu ubat bagi kesalahan yang dikerjakan oleh orang yang bersalah itu, dan perlindungan bagi peribadinya dan peribadi orang rama daripada keruntuhan. Taubat yang benar itu ialah jalan bagi mendapatkan keredhaan Allah ‘Azza wa Jalla dan keredhaan hati kecil sendiri, dan ialah juga jalan yang menyelamatkan dan melindungi manusia daripada kehancuran peribadinya yang harus akan membawa kepada tenggelam di dalam dosa dan terpisah jauh daripada perjalanan

orang-orang soleh. Jelasnya dasar-dasar agama adalah membina peribadi manusia dan taubat itu pula memelihara binaan yang tersebut dari segala bahaya.

Oleh yang demikian, taubat itu mempunyai kedudukan yang besar di dalam Islam. al-Quran al-Karim telah menegaskan di dalam banyak ayatnya bahwasanya Allah Subḥānahu wa Ta’ālā mengampuni segala dosa orang yang bertaubat. Dengar firman Allah Subḥānahu wa Ta’ālā:

Wa alladhīna la yad‘ūna ma‘a Allāh ilāhan ākhar walā yaqtulūn al-nafs allatī harrama Allāh illa bi al-ḥaq wa la yaznūn, wa man yaf‘al dhālikā yalqa athāma. Yuḍā‘af lahu al-‘adhāb yawm al-qiyāmah wa yakhludu fīhi muhānān. Illa man tāba wa āmana wa ‘amila ṣāliḥān faulā‘ika baddala Allāh sayyi‘atihim hasanāt, wa kāna Allāh ghafūran rahīmān.

Ertinya: “Dan orang-orang yang tiada menyembah Tuhan yang lain bersama-sama Allah dan tiada membunuh manusia yang diharamkan Allah melainkan dengan kebenaran, dan tiada pula berzina. Barangsiapa yang mengerjakan yang demikian akan mendapat seksa kerana dosanya itu. Dilipat gandakan seksa baginya pada hari kiamat dan kekal di dalamnya dengan keadaan yang hina. Kecuali orang yang taubat dan beriman serta beramal soleh, maka orang-orang itu ditukar Allah kejahanatan mereka menjadi kebaikan. Allah amat Pengampun lagi Penyayang.”

Maha Pemurah-Mu hai Tuhanku, dan maha luas rahmat-Mu. Kemurahan dan belas kasihan-Mu telah meliputi sehingga menjadikan kejahanatan hamba-hamba-Mu itu kebaikan, yang akan dibalas kerananya apabila mereka itu taubat dan rujuk serta beramal dengan amal yang soleh.

Setelah itu dengar pula sabda Rasulullah (SAW): “*Wa alladhī Nafsī biyadihi law lam tadhnabū wa tastaghfirūna Allāh fayaghfirlahum*”.

Ertinya: “Demi Tuhan yang diberiku di dalam tangan-Nya, kalau tidak kamu melakukan dosa dan beristighfar (bertaubat) nescaya Tuhan ‘Azza wa Jalla hapuskan kamu



Suatu pemandangan dalam merayakan Hari Nasional Indonesia di Istana Merdeka. Di hadapan sekali kelihatan Presiden Sukarno, Tuan Muhamman Yamin Menteri Pelajaran (nombor 3 dari kiri) dan di sebelahnya Tuan Hamka.

dan digantikannya dengan kaum yang lain, iaitu mereka itu melakukan dosa dan beristighfar (bertaubat) kepada Allah maka Allah mengampuni dosa mereka.”

Hiburan dan penglipuan yang manakah lagi yang lebih besar dan lebih berkesan bagi orang yang bersalah itu daripada hiburan dan penglipuraan yang tersebut itu? Dan kemuliaan yang manakah lagi yang lebih besar daripada kemuliaan yang tersebut itu? Seolah-olahnya orang yang bersalah yang bertaubat itu telah dimuakan oleh Tuhan ‘Azza wa Jalla iaitu dengan diberikan peluang kepadanya supaya dihapuskan kesalahannya dan diampunkan dosanya, maka dengan ini tidak ada peluang bagi menguatkan perasaan seseorang itu merasai kesalahannya bahkan yang ada ialah belas kasihan dan layanan yang lemah lembut, yang sangat-sangat dihajati oleh orang yang berdosa itu dalam masa ia sedang tercebur dalam perbuatannya yang salah supaya dengan keduanya (sifat belas kasihan Tuhan dan lemah lembut-Nya) ia akan terlepas dari dosanya itu dengan selamatnya.

Orang-orang Mukmin yang sebenar-benamya adalah berkewajipan bertaubat kepada Tuhan ‘Azza wa Jalla pada tiap-tiap ketika dan berkewajipan menaruh sangka yang baik kepada-Nya kerana seafdhul-afthal ibadah ialah menaruh baik sangka kepada Allah ‘Azza wa Jalla. Janganlah tuan berputus asa daripada rahmat Allah, kerana perbuatan berputus asa daripada rahmat-Nya ‘Azza wa Jalla adalah menjadi alamat atas kesesatan. Bagaimana yang dijelaskan oleh firman-Nya:

“Qāla wa man yaqnūt min rāḥmati rabbīhi illa al-qawm al-dāllūn.

“Tuhan berfirman, tiada berputus asa daripada rahmat Tuhan melainkan orang-orang yang sesat”.

Bahkan Tuhan ‘Azza wa Jalla telah mensifatkan perbuatan itu menjadi pasangan bagi perbuatan kufur, firman-Nya:

Wa lā tay’asu min rauḥī Allāh innahu la yai’asu min rauḥī Allāh illa al-qawm al-kāfirūn.

“Dan janganlah kamu berputus asa daripada rahmat dan bantuan Allah sesungguhnya tiada berputus asa daripada rahmat

Allah itu melainkan kaum yang kafir”.

Orang yang baik melakukan dosa telah diseru oleh Allah Ta‘ālā supaya ia mengetahui bahawa Tuhan ‘Azza wa Jalla amat menaruh belas kasihan kepadanya:

Qāla yā ‘ibādī alladhīna israfi‘ alā anfusihim la taqniṭū min rāḥmati Allāh, inna Allāh yaghfiru al-zunūb jamī‘ān innahu huwa al-ghafīr al-rāḥīm.

“Katakanlah: Hai hamba-Ku yang banyak melakukan dosa, janganlah kamu berputus asa daripada rahmat Allah, sesungguhnya Allah mengampuni dosa-dosa seluruhnya. Sesungguhnya Allah Pengampun lagi Penyayang.

Lihatlah bagaimana Tuhan ‘Azza wa Jalla telah menyeru orang-orang yang berdosa bahawa mereka itu ialah hamba-Nya kerana memuliakan mereka dan memberi rahmat kepada mereka serta memberi tahu mereka bahawa ia ‘Azza wa Jalla Pengawal dan mengasihi mereka.

Sekarang kita hendak bertanya, bagaimana caranya taubat seseorang yang telah terpedaya oleh hawa nafsunya lalu terdorong melakukan perkara yang telah diharamkan Allah atasnya? Setengah orang menyangka bahawa mengutik-ngutikkan lidah dengan beberapa kata-kata yang telah dihafazkan cukuplah bagi mendapat taubat yang dicita-citakan itu, tetapi faham yang demikian adalah menyalahi hakikat yang sebenarnya. Taubat yang sebenarnya ialah taubat hati yang merasa menyesal atas perbuatannya yang telah terlanjur itu, dan berazam tidak mahu mengulangi perbuatannya yang salah itu. Tuhan ‘Azza wa Jalla tidak menerima taubat orang yang hanya mempermain-mainkan ikrar taubatnya dengan lidah sahaja pada hal hatinya tidak.

Taubat yang diterima itu hanya dapat menggugurkan hak Allah Ta‘ālā sahaja. Ada pun hak seorang hamba Allah kepada orang lain maka tidak akan terhapus dengan taubat semata-mata bahkan wajib dikembalikan semula hak



Tuan Kadi Brunei sedang bersyarah dalam suatu majlis di Brunei menerangkan hakikat Islam yang sebenarnya.

itu kepada yang empunya dan menjadikan orang itu redha dan berpuas hati supaya dia pula diredhai oleh Allah Ta‘ālā.

Dengan huraian di atas, jelaslah bahawa taubat di dalam Islam tidaklah diperundang-undangkan kerana memudahkan kepada mengerjakan dosa tetapi diperundang-undangkan dia kerana menyelamatkan orang yang telah terlanjur mengerjakan perkara yang salah dan telah menyesal atas perbuatannya yang salah itu.

Ada pun orang yang hatinya tidak merasa menyesal dan tidak pula berazam hendak menjauhkan diri daripada mengulangi perbuatannya yang salah itu maka itu tidak diterima taubatnya dan tidak diampuni Allah dosanya melainkan jika dikehendaki Allah.

“Wa tūbū ilā Allāh jamī‘ān ayyuhā al-Mu’mīnūn la ‘allakum tuftīhūn”.